

廿二史考異

予弱冠時好讀乙部書通籍以後尤專斯業自史漢訖
金元作者廿有二家反覆校勘雖寒暑疾疢未嘗少輟
偶有所得寫於別紙丁亥歲乞假歸里稍編次之歲有
增益卷帙滋多戊戌設教鍾山講肄之暇復加討論閒
與前人闇合者削而去之或得於同學啓示亦必標其
姓名郭象何法盛之事蓋漢恥之也夫史之難讀久矣
司馬溫公撰資治通鑑成惟王勝之借一讀它人讀未
盡十紙已欠伸思睡矣況廿二家之書文字煩多義例
紛糾輿地則今昔異名僑置殊所職官則沿革迭代冗
要逐時欲其條理貫串瞭如指掌良非易事以予傳劣

敢云有得但涉獵既久啓悟遂多著之鉛槧賢於博奕
云尔且夫史非一家之書實千載之書祛其疑乃能堅
其信指其瑕益以見其美拾遺規過匪爲齟齬前人實
以開導後學而世之攷古者拾班范之一言摘沈蕭之
數簡兼有竹素爛脫豕虎傳譌易斗分作升分更子琳
爲惠琳乃出校書之陋本非作者之譽而皆文致小疵
目爲大創馳騁筆墨夸耀凡庸予所不能效也更有空
疏措大輒以褒貶自任強作聰明妄生痕疇不卽年代
不揆時勢強人以所難行責人以所難受陳義甚高居
心過刻予尤不敢效也桑榆景迫學殖無成惟有實事

求是護惜古人之苦心可與海內共白自知繁燭之光
必多解漏所冀有道君子理而董之庚子五月廿有二
日嘉定錢大昕序

廿二史攷異總一百卷

史記五卷

漢書四卷

後漢書三卷

續漢書二卷

三國志三卷

晉書五卷

宋書二卷

南齊書一卷

梁書一卷

陳書一卷

魏書三卷

北齊書一卷

周書一卷

隋書二卷

南史三卷

北史三卷

唐書十六卷

舊唐書四卷

五代史六卷

宋史十六卷

遼史一卷

金史二卷

元史十五卷

及門參訂姓氏

益都李文藻南淵

濰縣郭守璞

歷城朱攸遠亭

諸城王綬駟

平度戴如煌秋鶴

聊城任銳錫

黃平李臺南有

歸安沈咸熙熙人

昌平陳本敬仲思

高陽韓龍震東篋

濟寧趙維翰

宛平孫維龍勗堂

湘潭石鴻翥石泉

清泉丁姓

寧鄉周在熾

清泉丁正心

仁和陸飛起潛

餘姚邵晉涵二雲

錢唐潘庭筠蘭垞

仁和翟均廉春陞

仁和鮑鉞紫庭

山陰孫鑑南湖

秀水吳春濬闔林

山陰吳尊盤殿六

嘉善孫銀槎竹尹

錢唐仇養正一鷗

嘉善孫銘葵山尊

錢唐韓朝衡開雲

蒙自尹壯圖楚珍

大興黃符綵見滄

元和莊承籛少彭

鉅野姚學甲半塘

羅山李芸經耕五

芮城李騰蛟鼎比

永城丁佃

永城呂雲

光山徐森

正陽葉林林伯寧

陽湖孫星衍淵如

海鹽張燕昌芭堂

上元董教增觀橋

上元黃銘又軍

汾陽曹錫齡受之

江寧端木煜星垣

汾陽曹祝齡申之

江浦韓廷秀紹真

上元談泰階平

上元程國鐘元音

上元鮑璉文石

上元顧椿年莊林

上元張師式

句容李德音

江寧焦以厚載之

上元余旻秋農

江寧嚴觀子進

婺源吳山南石湖

宣城孫源潮達甫

婺源吳國南二爲

上元陶渙悅怡亭

上元王汝翰西林

上元顧淞

桐城章維極

嘉善錢清履慶貞

鎮洋楊雲璈鈞再

鎮洋楊雲煜宿占

太倉李錫恭蓉塘

鎮洋王洲步濠

錢唐何元錫夢華

元和陳鶴稽亭

吳縣潘世恩槐堂

吳縣潘世璜黼堂

海鹽吳東發侃叔

震澤費士璣玉衡

吳縣袁廷檣綬階

元和李銳尙之

元和戈由襄小蓮

吳縣鈕樹玉匪石

同邑李廣芸書田

長洲吳嘉泰東屏

同邑張彥曾蜚文

同懷弟 大昭晦之

姪 塘學淵

坊獻之

男 東壁星伯

東塾學仲

胞姪東垣旣勤

繹以成

伺同人

增同邑羅中溶鏡齋

青浦許蔭堂仲升

史記一

廿二史攷異一

錢大昕學

卷首題宋中郎外兵曹參軍裴駟集解 按索隱序
稱外兵參軍後序稱外兵郎互有不同攷隋書經籍
志史記八十卷宋南中郎外兵參軍裴駟撰又宋書
南史本傳俱云南中郎參軍蓋龍駒爲南中郎府之
外兵參軍宋齊之世四中郎將皆以皇子爲之得開
府置官屬外兵其一曹也南中郎者所仕府之名外
兵者所署曹之名參軍則其職也中郎之上當有南
字索隱後序稱外兵郎則誤甚矣

攷異

史記

五帝本紀

幼而徇齊索隱云大戴禮作報齊一本作慧齊 今大

戴禮作慧蓋慧之省

其色郁郁其德嶷嶷索隱云大戴禮郁作神嶷作俟

今大戴禮亦作郁郁嶷嶷與小司馬所見本不同蓋
後人據史記轉改

東至于蟠木 予謂蟠木者扶木也呂覽爲欲篇西至

流沙東至扶木又求人篇禹東至搏木之地說文搏

桑神木日所出也搏與扶通扶木卽扶桑古音扶如

蒲聲轉爲蟠也漢書天文志奢爲扶鄴氏云扶當爲

蟠

便程東作 程秩聲相近詩秩秩大猷說文作戠戠程
从呈聲戠从戠戠亦从呈聲故程戠俱與秩通也說
文引書作平聲

便程南譌 索隱正義本皆作爲字

試不可用而已 尚書云試可乃已古人語急以不可
爲可也古經簡質得史公而義益明

嗛四嶽 尚書嗛爲咨咨嗛聲相近

舜飭下二女於嬀汭索隱云二女長曰娥皇次日女英

系本作女瑩大戴禮作女瑩 瑩匣皆英之轉

歸至于祖禰廟 說文无禰字禰者爾也考於七廟爲最近故稱爾後人因加彳旁尚書作藝祖馬融云藝禰也蓋用史公說藝禰音亦相近

徧告以言 古音敷如布徧布聲相近奏告亦聲之轉也奏屬齒音告屬牙音均爲出聲故亦得相轉

堯二女不敢以貴驕事舜親戚正義云親戚謂父瞽叟後母弟象妹穎首等也 古人稱父母爲親戚大戴記曾子疾病篇親戚旣沒雖欲孝誰爲孝孟子盡心篇人莫大焉亾親戚君臣上下楚世家楚人皆憐之如悲親戚猶言如喪考妣也孟嘗君列傳使使存問

獻遵其親戚亦謂其父母也正義兼弟妹言之非史
公之旨

誰能馴子工 馴與順同易坤初象傳馴致其道至堅
冰也其文言曰履霜堅冰至蓋言順也可證順卽馴
字尚書疇若子工若訓順故史公以馴代若

教穉子注尚書作冑子孔安國曰穉冑聲相近 按穉
冑聲相近乃裴氏說非孔安國注也曰下當有脫文
朕畏忌讓說殄僞徐廣曰一云齊說殄行 尚書云朕

聖讓說殄行孔傳訓卽爲疾疾齊聲相近故又作齊
也僞讀如平秩南僞之僞 南僞見漢書王莽傳 僞卽爲字行爲

聲相近

惟時相天事 按釋詁亮相皆訓導故變亮言相正義
訓相爲視失之

息慎注鄭元曰息慎或謂肅慎 息肅聲相近

顧弟弗深攷注徐廣曰弟但也 弟但聲相近俗書弟
但字作第次第字作第皆不合六書之旨

夏本紀

鯀之父曰帝顓頊 索隱據漢書律歷志顓頊五代而
生鯀證鯀非黃帝之子予攷山海經黃帝生駱明駱
明生白馬白馬是爲鯀鯀生禹山經所云黃帝當是

顓頊之謬狀亦无五世

齊齊穆穆 司馬相如封禪文收收穆穆君子之能收
收卽齊齊也古音齊如門与收相近收卽晏字

濟河維沈州 沈州本以沈水得名尚書作兗州山隸
變立水爲橫水在上又誤三爲六耳

汶嶠旣藝正義云括地志云岷山在岷州溢洛南一里
洛當作樂唐書地理志岷州溢樂縣有岷山

益讓帝禹之子啟 史公書於漢諱皆回避如恒山作
常山微子啟作微子開盈數作滿數是也亦有不盡
狀者周本紀邦內甸服邦外侯服封禪書五岳皆在

天子之邦犯高帝諱殷本紀盈鉅橋之粟樂書盈而不持則領晉世家萬盈數也以從盈數春申君列傳盈滿海內犯惠帝諱天官書壬癸恒山以北恒山之北氣下黑上青封禪書北岳恒山也至琅邪過恒山田齊世家以爲非恒人張儀傳獻恒山之尾五城犯文帝諱夏本紀益讓帝禹之子啟禹子啟賢諸侯皆去益而朝啟啟遂卽天子位是爲夏后帝啟殷本紀帝乙長子曰微子啟啟母賤不得嗣李文本紀夏啟以光燕世家禹薦益已而以啟人爲吏及老而以啟爲不足任乎天下啟與交黨攻益奪之犯景帝諱此

非史之駁文後人以意改易耳若呂后諱雉而殷本

紀封禪書不避雉字或史公本文如此蓋呂氏傾危

社稷史臣未必爲避諱也宋史禮志紹興二年禮部

國盈之字曰滿止是諷曰國曰滿木字見於經傳者

未嘗改易司馬遷作史記曰先王之制邦內畿服邦

外侯服又曰盈而不持則傾於邦字盈字亦不改易此說未厭

注張敖地理記曰濟南平壽縣其地卽古斟鄩國 濟

南當作北海張敖未詳何代人

斟氏戈氏 索隱本作斟戈氏卽斟灌也戈灌聲相近

上氏字衍

殷本紀

史記

史記

子其大理女注尚書理字作資 理資聲相近詩釐爾
圭瓚鄭康成引作資釐理義亦通也

至于泰卷陶索隱云鄒誕生卷作餉又作洞則卷當爲
坳 卷坳聲相近泰与大古文通

大最樂戲于沙邱注徐廣曰最一作聚 最當作取說
文取積也音与聚同功臣表注孔子文生最說文以
最爲積聚字此最字亦取字之譌

紂走入登鹿臺注徐廣曰鹿一作麋 麋鹿聲相近

周本紀

子公叔祖類立索隱云系本云太公組紂諸蓋 蓋當

作鑿音戾鑿類聲相近也鑿綠色紺青赤色與綠相似故又云組紺

兩造具備注徐廣曰造一作遭 兩遭猶言兩曹說文曹獄之兩曹也

孔子卒 案周秦二本紀魯燕陳衛晉諸世家皆書孔子卒而吳齊蔡宋楚世家則不書夫孔子魯人也其卒宜書于魯世家孔子有東周之志孔子卒而周不復興矣以其卒之繫于周則書于周本紀亦宜也若秦若衛若陳若晉與燕子孔子何與而亦書孔子之卒也或曰孔子之卒史遷爲天下惜之故不獨于魯

牙異
書若朕則十二國宜皆書何爲而有書有不書也且
孔子之先宋人也齊楚與蔡孔子嘗至其國焉視秦
晉燕之從未一至者有閒矣何爲乎宜書而反不書
也

周太史儋見秦獻公曰始周與秦國合而別別五百載
復合合十七歲而霸王者出焉 案此語周本紀載
之秦本紀載之封禪書老子列傳又載之蓋重出者
四矣秦本紀作七十七歲老子列傳作七十歲皆傳
寫之譌索隱正義于周本紀封禪書皆有注可證

子報王延立索隱云尚書中候以報爲然鄭元云然讀

曰赧王邵按古音人扇反今音奴板反 說文赧从赤良聲良柔皮也讀如輒故古讀赧爲人扇切

王赧時東西周分治 赧非王名當云赧王

韓徵甲与粟于東周 戰國策以爲西周

秦本紀

我不殺戎王則不敢入邑 據此則周未東遷之日戎已僭王號如徐偃王楚句亶王鄂王越章王之類也 其後有亳王義渠王獮王皆戎種

以女弟繆羸爲豐王妻 豐王未詳闕本作幽王幽豐字形相近狀幽王妻申后非繆羸

臣常游困于齊而乞食銍人注徐廣曰銍一作銍正義
云銍地名在沛縣 子謂沛非齊地

庶長改迎靈公之子獻公于河西而立之殺出子及其
母沈之淵旁 呂氏春秋當賞篇秦小主夫人用奄
變羣賢不說自匿公子連亾在魏聞之欲入從鄭所
之塞右主然守塞弗入曰臣有義不兩主公子勉去
矣公子連去入翟從焉氏塞菌改入之夫人聞之大
駭令吏與卒中道因變曰非擊寇也迎主君也公子
連因與卒俱來至雍圍夫人夫人自殺公子連立是
爲獻公不韋言秦事必可信小主者卽出子菌改者

庶長改也呂氏言獻公名連而索隱云名師隰未知
所本

與齊威楚宣魏惠燕悼韓哀趙成侯竝 據六國表秦

孝公元年當齊威十八年楚宣九年魏惠十年燕文

公元年韓壯侯十年世家作懿公趙成侯十四年此云燕

悼韓哀誤也正義讀竝爲自浪反屬下淮泗之間爲

句亦非

與晉戰鴈門索隱云紀年云与魏戰岸門此云鴈門恐

聲誤也秦與韓魏戰不當遠至鴈門 按岸鴈聲相

近故岸門亦作鴈門非謂代之鴈門也

攷異

史記一

八

樽里疾攻魏焦降之 樽里疾卽樽里子也說文樽作

樽

庶長疾攻趙虜趙將軍莊 樽里子傳虜趙將軍莊豹
攻韓南郡取之 六國表作南陽按戰國之際韓魏皆
有南陽魏之南陽卽河內之修武左氏傳晉於是始
啟南陽是也韓之南陽卽秦漢南陽郡也但秦昭王
三十五年已置南陽郡而此又云攻韓取之亦似可
疑若江陵之南郡則楚地非韓地也

秦始皇本紀

嫪毐封爲長信侯索隱云按漢書嫪氏出邯鄲王劭云

賈侍中說秦始皇母子

字卽與

嫪毐淫坐誅故世人罵

淫曰嫪毐也

案賈侍中說以下出許叔重說文其

所引漢書則班氏无此文當是漢書注也南越傳嬰齊取邯鄲嫪氏女索隱云嫪音紀虬反嫪姓出邯鄲此嫪字正義亦音紀虬反蓋嫪嫪古文通用今人讀嫪爲郎到切非也

九年正義云穆帝永和八年石勒爲慕容俊所滅俊與儁同是歲儁滅冉閔非石勒也

梁傳至天正二年侯景破梁至廣陵案侯景廢簡文

帝而立豫章王棟改元天正是年景卽篡位明年景

歿而傳國璽入于齊則天正无二年也此云天正二年蓋據北齊紀載之文削侯景之年亦不用承聖號也

搏心揖志索隱云搏古專字左傳云如琴瑟之專壹

搏當作搏說文搏壹也俗本搏作搏尤誤揖古輯字書輯五瑞史記亦作揖

北過大夏正義云杜預云大夏太原晉陽縣按在今并州予謂正義說非也王立石誇聲教之遠豈近取晉陽之地乎周書王會解正北空同大夏大宛傳張壽從月氏至大夏卽其地也

別黑白而定一尊 李斯傳別作辨古書辨與別通周禮小宰聽稱責以傳別故書作傳辨

異取以爲高 李斯傳作異越

雖萬世世不軼毀正義云軼徒結反 軼與迭同古書軼迭二字多通用左氏傳彼徒我車懼其侵軼我也釋文軼直結反讀如迭成十三年迭我殺地亦侵軼之義封禪書軼與軼衰漢書作迭興迭衰

飯土墻礙土形 李斯傳墻作甌形作劍古文簋與甌同讀若九與墻音相近太史公自序形作刑墻亦作簋徐廣注云一作湣說文无墻字則此文當爲湣也

子嬰爲秦王四十六日 李斯傳子嬰立三月

項羽本紀

項梁使沛公及項羽別攻城陽 城陽當作成陽縣名

屬濟陰郡非齊之城陽國也

誰爲大王爲此計者 此時沛公未爲漢王蓋臣下尊
之之稱項羽亦未自王故沛公呼爲將軍而范增項
莊已稱爲君王樊噲張良亦稱爲大王史亦屢書項
王皆據當時相尊之詞

烏江亭長檣船待 檣當從鄒氏本作樣樣與漾同

高祖本紀

秦泗川監平注文穎曰泗川今沛郡也 案曹參世家
樊噲周昌傳俱作泗水漢書地理志沛郡秦泗水郡
而本紀亦作泗川

別攻城陽屠之 城當作成卽下文所謂至成陽与杠
里者也

至成陽與杠里索隱云成陽縣名杜濟陰韋昭云杜穎
川非也 按成陽漢書作陽城故韋昭以穎川之陽
城當之當從史記作成陽爲是

高祖已擊布軍會甄注按漢書音義會音僧保邑名甄
音直僞反索隱云漢書甄作缶音保非也 案漢志

沛郡蘄縣有垂鄉高祖破黥布師古音垂爲直惠反
卽此會甄也隸書垂似缶故漢書高紀譌爲缶字孟
康讀會爲僧保之僧非讀甄爲保小顏未達孟義妄
有訾警小司馬又承顏之謬而不察尔

呂后本紀

得定陶戚姬注如淳曰姬音怡眾妾之總稱也索隱云
如淳音非也姬周之姓天子之宗女貴于它姓故遂
以姬爲婦人美號 予謂姬从臣聲姬妾字讀如怡
乃是正音六朝人稱妾母爲嬖字易而音不殊与姬
姓讀如基者有別如淳去古未遠當有所受小顏小

司馬輩輒非之誤矣

寧蚤自財 財与裁同悔不早自引決也漢書高五王
傳財作賊小顏訓爲害義亦通

夏名梁曰呂呂曰濟川 案呂后二年割濟之濟南郡
爲呂王奉邑及呂產徙王梁地改呂國曰濟川以王
孝惠之子則濟川卽濟南也諸呂旣誅先徙濟川王
于梁乃告齊王令罷兵蓋仍以濟南還齊矣

孝文本紀

古者殷周有國治安皆千餘歲 案殷周有天下皆不
及千歲云千餘歲者并稷尙受封之年計之漢書作

且千歲

子某景長 案高帝紀書文帝名景帝紀書武帝名此
稱某例亦不一

孝景本紀

二年封故相國蕭何孫係爲武陵侯 表作武陽其名
嘉非係也

三年立楚元王子平陸侯劉禮爲楚王正義云應劭云
平陸西河縣 案東平國有東平陸縣此劉禮所封
邑也水經注据陳雷風俗傳以尉氏之陵樹鄉故平
陸縣指爲劉禮所封者失之若應劭韋昭輩以爲西

河之平陸則謬甚矣

五年五月丁卯封長公主子蟜爲隆慮侯 案年表中
元五年五月丁丑隆慮侯蟜元年徐廣據本紀以證
表之非予攷功臣表隆慮侯周通以中元元年有罪
國除則蟜之封隆慮必在中元年以後紀書于前五
年者非矣漢書年表景帝中五年隆慮侯融以長公
主子侯二十九年坐母喪未除報姦自殺館陶公主
卒于元鼎元年距孝景中五年正二十九歲又足證
史記之表是而紀非也融與蟜字形相涉而誤

六年封趙丞相嘉爲江陵侯 表作江陽

中元年封故御史大夫周苛孫平爲繩侯。据表是年封周成孫應乃苛之曾孫也。平則嗣應爲侯者徐廣云平一作應近之。

中六年城陽共王薨正義云城陽今濮州雷澤縣古成陽也。按城陽國治莒漢志謂文帝二年別爲國者是也。濮州之成陽漢時屬濟陰郡乃梁地非齊地且成城字異正義說非是。

孝武本紀 張晏云此紀褚先生補作予謂少孫補史皆取史公所闕意雖淺近詞无雷同未有移甲以當乙者也。或魏晉以後少孫補篇亦亾鄉里妄人取此。

三足其數爾秦始皇本紀末有漢明帝十七年十月
云云平津侯傳末有太皇太后詔大司徒大司空云
云司馬相如傳贊有揚雄以爲靡麗之賦勸百風一
云云皆魏晉以後人竄入

有司與太史公祠官寬舒等議 按封禪書兩稱太史
公與祠官寬舒連文而不著名爲其父諱也是年郊
雍爲元鼎四年其明年冬至郊拜泰一皆談爲太史
公時事談以元封元年卒卒後遷始繼之漢志稱談
名得其實矣以太史公爲太史令則據後官制追改
之

與王不相中得 得字衍

不虞不驚 古文虞与吳通漢碑亦有不虞不揚之文
今封禪書作不吳乃後人据毛詩私改

黃帝得寶鼎宛侯 封禪書作宛胸宛胸蓋地名濟陰
郡冤句縣是也漢志作冕侯冕卽冤之譌侯句音相
近

攷異一

史記二

廿二史攷異二

錢大昕學

三代世表

抱之山中注抱音普茅反

抱讀爲拋說文無拋字徐

氏新附有之从尢从力于義無取蓋卽抱之謄

十二諸侯年表

人事浹 浹與市同

庚申共和元年

史公以漢武太初元年歲在焉逢攝

提格據此上推共和之元不值庚申且漢人言太歲

百四十四年而超一辰不皆依六十之序故史公作

表有年歲而無干支此表庚申甲子甲戌之類蓋徐
廣注非史記本文

周襄王十四年叔帶復歸于周 本紀在十二年

魯孝公稱元年伯御立爲君稱爲諸公子十一年周宣
王誅伯御立其弟稱是爲孝公 案魯世家伯御卽
位十一年周宣王伐魯殺其君伯御立稱是爲孝公
二十七年孝公卒漢書律歷志伯御卽位十一年孝
公卽位二十七年與世家合表乃以伯御之元年卽
爲孝公之元年故孝公有三十八年失其實矣

魯莊公三十二年莊公弟叔牙鳩死子般季友奔陳

子般上下皆當有脫文

齊靈公二十七年晉圍臨淄晏嬰大破之 按齊世家

靈公走入臨菑晏嬰止靈公靈公弗從此文當有脫

誤

晉厲公壽曼 春秋晉弑其君州蒲卽厲公也蒲乃滿

之謫曼滿聲相近古書酬酢字或作醻是壽與州通

衛文公二十三年重耳從齊過無禮 世家在十六年

衛殤公秋 世家作秋秋狄皆焱之謫漢書古今人表

作焱春秋作剽剽焱音相近

衛君起元年石傳逐起出索隱云傳音圃或作專音敷

左傳作石圃圃傳音相近傳蓋傳之譌專亦當為專

六國表 十二諸侯年表始于共和以前則三代

世表紀之終于周敬王四十三年

孔子殤後二年並序云自共和訖孔子

子其時惟陳曹先亾耳史公以六國表繼之晉衛附

于魏鄭附于韓魯蔡附于楚宋附于齊各述其後事

呂續前表文簡而法密矣三家分晉魏得晉之故都

故魏人自稱晉國

孟子于晉梁惠上周齊皆云晉國

而韓趙則否史公

以晉附魏蓋以此

湯起于亳注徐廣曰京兆杜縣有亳亭按殷本紀湯

始居亳皇甫謐曰梁國穀熟為南亳湯所都也書立

政有三亳說者以爲湯始居南亳杜宋州穀熟縣西南後徙西亳卽河南偃師縣而景亳湯所盟地則宋州北五十里大蒙城是也三亳非一地要非京兆之亳亭明矣秦本紀寧公二年遣兵伐蕩社三年與亳戰亳王奔戎遂滅蕩社徐廣云蕩一作湯社一作杜皇甫謐以爲亳王號湯西夷之國又云周桓王時自有亳王號湯非殷也封禪書于杜亳有三杜王之祠亦指此蓋京兆之亳乃戎王號湯者之邑而徐廣以爲殷湯所起其不然乎然此篇稱作事者必於東南收功實者常於西北乃述禹興西羌周始豐鎬而及

於湯之起毫則史公何以闕中之毫爲湯之毫矣

魏獻子韓宣子趙簡子 表始于周元王元年卽晉定

公三十六年也魏獻子舒以魯定公元年卒韓宣子

起之卒當夏杜其前安得此時尙存乎三家分晉唯

趙氏最强世次分明故于表首著簡子四十二年而

魏韓闕之蓋魏自文侯韓自武子以後年數乃可表

也後人妄益獻子宣子字於魏韓下失史公之旨矣

春秋傳魏舒之後有魏曼多世家作魏侈侈諡襄子

見世本此與趙簡子同時者當是魏侈也春秋傳韓

起之後有韓不信諡簡子而世家言宣子之後有貞

子簡子莊子未審當是何人

魏文侯二十五年太子罃生 罃爲子擊之子不當云

太子

齊威王六年晉伐剗 剗陵索隱云劉氏 剗音屬沈反

沈當爲沈之 譌 剗陵世家作博陵

趙成侯六年敗魏涿澤 魏齊世家竝作濁澤 古文濁

涿通五帝本紀涿鹿或作濁鹿

秦昭王二年桑君爲亂 誅 按秦本紀庶長壯與大臣

諸侯公子爲逆皆誅桑與壯音相近穰侯傳誅季君

之亂亦指桑君也

魏安釐王十一年秦拔我廩邱注徐廣曰或作邢邱

按秦本紀亦作邢邱當以邢爲是

秦楚之際月表

楚項 別項于楚者義帝雖項氏所立羽不爲義帝用也且項梁與沛公起兵皆杜陳涉未敗之前其後權奉義帝不得竟係于楚

漢 表列漢于趙齊之下燕魏韓之上趙齊強也趙先于齊者據起之先後也

秦二世元年 自是年七月以後諸侯以起兵之月爲始以次數之項梁十三月籍十七月趙歇二十六

田市十九月沛公二十九月韓廣三十月魏豹十八
月韓成二十一月皆計月不計年也義帝元年以後
諸侯以始封之月爲一月數至十二月卽稱二年一
月如韓王信之三年一月卽楚四年十月英布之二
年一月卽漢五年七月而漢王獨稱正月者別于諸
侯也趙歇田市韓廣魏豹韓成皆稱王已久則仍前
之月數之而不計其年歇終四十八月市終二十四
月廣終三十七月豹終三十八月成終二十七月前
後義例已爲不倫臨江王共敖與十八王同時封獨
不稱二年一月仍稱十三月敖終于三十一月敖子

驩終于十六月又何說也

漢興以來諸侯年表

漢獨有三河東郡潁川南陽自江陵以西至蜀北自雲
中至隴西與內史凡十五郡 十五郡謂河東河南

河內東郡潁川南陽南郡

卽江陵

漢中巴郡蜀郡隴西

北地上郡雲中并內史也

五原郡元朔二年始置故不數

怵邪臣計索隱云怵音誓怵訓習 怵當作怵傳寫之

謫

故齊分爲七趙分爲六梁分爲五淮南分三 案此表

凡二十六格高祖始封同姓九國并齊趙梁淮南析

置十七國益以長沙當爲二十七格今檢表齊之下爲六格趙之下爲五格梁之下止三格以濟陰附于淮陽之後梁與淮陽地本相接也楚之下爲二格魯泗水本楚地衡山淮南所分亦楚故地也廬江亦淮南所分乃列于趙之下與清河爲一格似失其倫矣高帝四年初王武王英布元年 武王二字衍布已誅 永安得有諡

高后元年初置呂國 按呂國以齊之濟南郡置當杜齊之下與濟南爲一行今列于梁之下誤也

孝文前元年分爲河間都洛城 洛城當爲樂城監木

列異
六
作洛陽尤誤

十五年分爲膠西都宛注徐廣曰樂安有宛縣 宛上
當有高字

孝景前元年初置臨江都江都 當作都江陵

四年初王元年是爲孝武帝 是爲孝武帝五字後人
所增人也攻孝文封代王表直書其名而云高祖子
此亦當書名而云景帝子

中二年初置清河都濟陽 漢書地理

志清河郡清陽縣注云王都是其證也

孝武建元元年 孝武二字亦後人所增

元鼎三年初置泗水都郵 按漢志泗水國領三縣凌
也泗陽也于也郵爲東海郡治不當割爲泗水國都
高祖功臣侯年表

百年之別見侯五正義云謂平陽侯曹宗曲周侯酈終

根陽河

王氏本南監本並作楊阿

侯齊

王本監本

仁戴侯祕蒙

三本監本

作秋家誤

穀陵侯馮

王本監本

偃也

按史公作表終于

太初平陽曲周陽河戴四侯之免皆杜太初以後故

尙杜見侯之數也江都侯靳石以改封不與五人

列然曲周侯終根其時已改封繆陽河侯仁其時亦

改封埤山矣是太初之世不止見侯五也陽河侯據

漢表乃其石之後齊其諡非姓也正義稱齊仁似誤
太初元年盡後元二年十八 按惠景間侯者年表建
元以來侯者年表末一格只云太初已後不計年數
此表亦當如此蓋史公紀事止于天漢不及見孝武
之崩也此後人所增改

陽陵索隱云陽陵屬馮翊 案馮翊之陽陵景帝陵也

漢制陵縣屬太常元帝始分屬三輔不以封諸侯

侯蘇建平陵侯范明友封國杜南 漢志陽陵故弋陽

陽武當縣非昭帝所葬之平陵 景帝更名則高帝時尙無陽陵之名楚漢春秋作陰
陵近之

廣嚴索隱云晉書地道記廣縣杜東莞嚴論也下又云壯班馬二史並誤按嚴字衍文小司馬以嚴爲論卽下文所云壯侯也壯當爲莊班氏避諱作嚴非有誤也後人又誤會班史增嚴于廣字之下亦非史公之誤漢志齊郡有廣縣

酈侯呂台孝惠七年有罪按漢書外戚侯表無呂台有罪罷免之文

胡陵侯呂祿漢表作漢陽

留言上張旗志秦王恐降志古文識字旗志者旗幟也說文無幟字徐氏新幟取表識之義亦當作識

史漢多古字故爲志耳張蒼列傳沛公以周昌爲職
志徐廣云主旗幟之屬叔孫通傳張旗志徐廣云一
作幟

鄼 高后二年懿侯同元年同祿弟文帝元年同有罪
封何小子延 按漢書蕭何傳子祿嗣夢亾子高后
乃封何夫人同爲鄼侯小子延爲筑陽侯孝文二年
罷同更封延爲鄼侯漢表以同爲祿母史記以同爲
祿弟旣已乖迕且同以罪除何由更得諡懿此必史
記之誤也

筑陽

文帝元年侯延元年

按此表延立十九年以

文帝後三年蒙子遺立一年以文帝後四年蒙則立
四年以景帝元年有罪免皆封筑陽若據漢表及傳
則延封筑陽乃杜高后時文帝元年更封鄼二年蒙
當云子遺嗣一年遺弟則紹封二十年皆封鄼漢表
三年武其不同如此蕭公爲漢元功史家叙其世系尙不
免傳聞異詞紀載之難信自昔然矣

曲周索隱云縣名屬廣平 按漢志曲周縣武帝建元
四年置蓋景帝之世鄼寄以罪免國除爲鄉至孝武
復置爲縣也

臨汝

侯賢行賕

一本作財

罪國除

漢表賢坐子傷人首

匿免與此異

建平 周昌始封汾陰其子開方改封建平孫左車又改封安陽也漢表失建平二字

成索隱云縣名屬涿郡 按水經注淄水又逕邲北春秋齊師圍邲邲人伐齊飲馬于斯水也漢高帝封董濞爲侯國成邲古字通左氏傳本作成

蓼 以執盾前元年從起碭 按蓼侯孔萊費侯陳賀

陽夏侯陳豨棘蒲侯陳武都昌侯朱軫河陽侯陳涓

芒侯昭

漢表作彰

棘邱侯襄阿陵侯郭亭厭次侯元頃

南侯張平皆以前元年從穀陵侯馮谿汾陽侯靳彊

以前二年從汁防侯雍齒以前三年從所稱前元年
二年三年者高帝自稱沛公之年也入關王漢以後
始稱漢元年漢初王侯受封皆自稱元年亦用此例
費 定會稽浙江湖陽 湖陽漢表作湖陵

陽都索隱云漢志關晉書地道記屬琅邪 按漢志城
陽國有陽都縣後漢省城陽入琅邪小司馬云漢志
關者非也

拜爲將軍忠臣侯 忠臣非官號史惟見此一人

汁加 功比平定侯 按平定侯齊受孝惠元年始封
雍齒以高祖六年封不應轉準其例當有誤文或是

平侯沛嘉之謫

棘蒲索隱云漢志闕 按趙世家敬侯六年伐魏取棘蒲正義云今趙州平棘縣古棘蒲邑也今攷陳武以高帝六年封棘蒲侯而七年又封林摯爲平棘侯則平棘非卽棘蒲或其地相去不遠棘蒲國除之後省入平棘爾

都昌索隱云漢志闕 按北海郡有都昌縣水經注以爲朱軫所封

武彊索隱云漢志闕 按曹相國世家還攻武彊因至滎陽臣瓚云武彊城杜陽武水經注以爲莊不識所

封也

賈齊侯呂注徐廣曰呂一作台 漢表作合傅胡害合
與台字形相似也索隱單行本呂下有博國二字博
近傅國近害未審誰是

海陽索隱云海陽亦南越縣地理志闕 按班志遼西
郡有海陽縣水經注以爲搖母餘所封

曲城索隱云漢志闕表杜涿郡 按漢志曲成縣屬東
萊卽此曲城也其後收封夜侯夜卽掖亦屬東萊小
司馬云漢志闕者非也又王子侯表有曲成侯萬歲
中山靖王之子表杜涿郡此又一曲成小司馬誤合

爲一

蟲逢 漢書作蟲逢

任侯 侯字衍

昌武索隱云漢志闕 按漢志膠東國有昌武縣

侯單窳 漢表作單究

宣曲索隱云漢志闕 按貨殖傳有宣曲任氏小司馬

據上林賦西馳宣曲以爲當杜京輔也

絳陽索隱云漢志闕 按水經注澮水篇云新田又謂

之絳卽絳陽也蓋杜絳澮之陽漢高帝封華無害爲

侯國

東茅索隱云漢志闕一作柔 按琅邪郡有柔縣

臺索隱云臨淄郡有臺鄉縣 按兩漢無臨淄郡當是

齊郡也又濟南郡有臺縣

樂成索隱云漢志闕 按漢志河陽國有樂成縣

蒯成索隱云漢志闕晉書地道記屬北地 按晉書地

理志蒯成屬始平不屬北地也高帝功臣侯百四十

七人班史皆不言其食邑所杜獨于蒯成云杜長沙

必有所據諸解紛紛皆無當也

復陽索隱云縣名屬南陽 按清河郡亦有復陽縣水

經注以爲陳胥所封

朝陽索隱云縣名屬南陽 按濟南郡亦有朝陽縣或稱東朝陽水經注以爲華寄封國也

柏至 以駢憐從索隱云姚氏憐鄰聲相近 按姚氏名察有漢書訓纂三十卷

許溫索隱云漢表作許益 溫益聲相近

武原索隱云漢志闕 按漢志楚國有武原縣

橐索隱云漢志橐縣屬山陽 按橐當爲橐字之譌

彭索隱云漢表屬東海郡 按東海郡無彭縣武帝時劉屈氂封澎侯晉灼云東海縣然漢志東海亦無澎

縣

甯索隱云漢表甯陽屬濟南郡 按武帝封魯共王子
恢爲寧陽侯國隸濟南郡卽漢志泰山郡之寧陽也
寧甯古字通然以後證前亦出意揣子謂春秋傳
晉陽處父聘于衛反過甯杜云甯晉邑汲郡修武縣
也當是魏遷所封邑

襄平索隱云縣名屬臨淮 按水經注以遼東之襄平
爲紀通封國

龍索隱云廬江有龍舒縣蓋其地也 按水經注汶水
又西南逕龍鄉故城春秋成公二年齊侯圍龍者也
漢高帝封陳署爲侯國

陸梁 索隱本作陸量

義陵注徐廣曰一作義陽索隱云義陽縣杜汝南 按
武陵郡有義陵縣吳程以長沙柱國封侯當是武陵
之義陵非汝南之義陽且漢有兩義陽一杜南陽平
氏一杜東海厚邱皆不屬汝南疑小司馬誤也

吳程 漢表作吳郢古文程與郢通孟子文王卒于畢
郢郢卽程邑

禾成索隱云漢志闕 按水經注濁漳水篇云斯浚水
又東南逕和城北漢高帝封郎中公孫耳爲侯國

汲侯索隱云漢表作汲 侯字衍汲蓋波之瀉水經注

淇水又東北逕波縣故城北漢高帝封公上不害爲侯國

江鄒侯石坐爲太常行太僕事治晉夫可年益縱年國除按漢表坐爲太常行幸離宮道橋苦惡太僕敬聲繫以謁問赦免與此異

衍索隱云漢志關按蘇秦說魏襄王云北有河外卷衍酸棗則衍亦河南郡地

平州索隱云漢志關晉書地道記屬巴郡按漢志西河郡有平周縣而路博德傳稱西河平州人疑州與周通也又春秋傳會于平州杜預云杜秦山牟縣西

元封三年封朝鮮降將啖爲平州侯表杜梁父蓋卽春秋之平州也平州雖有三名漢初封國常以梁父者近是

博陽索隱云縣名屬彭城 按彭城卽楚國漢志楚國有博陽縣古偃陽國此博陽必博陽之譌也且同時有博陽侯陳濞不應同名小司馬注史記時尙未誤後來轉刻譌爲博爾

戚索隱云漢志關晉地道記屬東海 按班志東海郡明有戚縣鄭氏音憂戚小司馬乃云志闕何其謬也水經注今頓卽衛國縣西戚亭漢高帝封李必爲侯

國此則春秋之戚非東海之戚也。郟說近之。

桃索隱云縣名屬信都。按水經注濁漳水篇云衡漳

又東北逕桃縣故城北。漢高祖封劉襄爲侯國。此信都之桃也。又濟水篇云濮渠逕桃城南。卽戰國策所謂酸棗桃虛也。漢高帝封劉襄爲侯國。此東郡之桃也。

高粱索隱云漢志闕。按水經注汾水過高粱邑。西故高粱之墟也。春秋秦穆公納公子重耳于晉。善懷公于此。漢高帝封酈介于斯邑。

紀信。此侯國。注家皆闕其地。疑本封紀侯而衍信字。

爾或云信匡兩字證

甘泉索隱云案志甘泉闕疑甘泉是甘水 按甘水縣
漢志亦闕小司馬說未審所據予謂雍之甘泉其名
舊矣王競封邑疑卽此漢表作景合日泉爲一字

菌注徐廣曰一作鹵 按代郡有鹵城縣
惠景間侯者年表

扶柳索隱云縣名屬信都 按水經注以琅邪之扶縣
爲呂平侯國蓋酈氏所見本異

平定索隱云漢志闕或鄉名 按漢志西河郡有平定
縣

上邳 按水經注泗水篇云邾水又西逕仲虺城北晉
太康地記曰奚仲遷于邳仲虺居之史記楚元王子
郢封上邳侯有下故此爲上矣

樂平索隱云漢志關 按漢宣帝封霍山爲樂平侯表
杜東郡

山都索隱云漢志關 按漢志南陽郡有山都縣水經
注云本南陽之赤鄉漢高后封王恬爲侯國

呂成侯呂忿 按水經注清水篇云紫谿又逕宛西呂
城東史記呂尙先祖受封于呂徐廣音義曰呂杜宛
縣高后四年封昆弟子呂恕爲呂城侯疑卽此也今

本恕作忿或傳寫之誤

樂昌侯張受 按後漢書張酺傳云張敖子壽封細陽之池陽鄉蓋本析細陽地爲樂昌國也細陽本隸汝南宣帝封王武爲樂昌侯漢表在汝南卽壽故封也樂昌侯國元始初尙存不審地理志何以闕之列傳作張壽壽受音相似

祝茲索隱云漢書作琅邪 按高后四年封松茲侯徐厲漢表作祝茲而史記文帝紀周亞夫世家亦有祝茲侯徐厲名說者疑徐厲已封祝茲則此呂榮所封當依漢書作琅邪然徧檢各本漢表祝茲侯呂瑩無

有作琅邪者則單文孤證未可信也及讀漢書王子侯表祝茲侯延年下注琅邪字乃悟索隱本云漢表在琅邪後人傳寫譌爲書作二字爾今攷定當以廬江之松茲爲徐厲國琅邪之祝茲爲呂榮國也

清郭 清讀若靖卽戰國策之靖郭也王氏本作清都監本作清源皆誤

周陽索隱云縣名屬上郡 按上郡有陽周縣無周陽

小司馬本蓋作陽周故援志以實之耳正義引括地

志云周陽故城在絳州聞喜縣東二十九里

見文此

卽水經所云周陽邑蓋河東郡地也子謂駟鈞以齊

王舅父得侯卽裂齊地而封之趙兼以淮南舅父得侯其封邑亦當杜淮南境內且兼得罪失侯未幾卽以淮南王子賜爲周陽侯同時侯者阜陵東城皆淮南故地則此周陽亦宜杜淮楚之閒不特非上郡之陽周恐亦非河東之周陽矣

管索隱云管古國今爲縣屬滎陽 按地理志濟南郡

有管縣字从艸當是罷軍所封非河南之管城也

斥邱索隱云縣在魏郡 漢表作氏邱史記本或作瓜邱小司馬以魏郡之斥邱當之子謂斥邱侯唐厲高帝所封傳三世至元鼎初尙無恙不應更封它人

平昌索隱云縣名屬平原 按漢志琅邪平原二郡皆有平昌縣水經注以琅邪之平昌爲劉卬所封

白石索隱云縣名屬金城 案金城郡昭帝始置且距齊地絕遠不應文帝時以封齊悼惠王子也

安陽 小司馬本作安陵故云縣名屬馮翊恐別有安

陵今刊本刪此五字按馮翊之安陵惠帝所葬不應建爲侯

國故小司馬疑其別有一安陵不知其爲安陽之譌也漢志汝南郡有安陽縣水經注以爲劉勃所封也

陽周 淮南傳作周陽而諸侯年表及此表竝作陽周

誤也漢表亦作陽周其誤與此同

犁索隱云縣名屬東郡 犁與黎同

弓高索隱云漢表杜營陵 按漢志河閒國有弓高縣

水經注以爲韓積當所封也營陵縣屬北海郡疑漢表誤或河閒別有營陵鄉

右孝文時二十九

汲古閣本作二十八誤

今數之止二十八蓋

脫陽邱侯劉安一人據索隱單行本陽邱當杜陽虛之後蓋傳寫失之漢表不數章武南皮二侯故云二十七人

建陵 按東海郡有建陵縣水經注以爲衛紹所封

江陽索隱云縣名杜東海 按漢志東海無江陽縣惟

犍爲郡有江陽水經注以爲蘇嘉所封也

山陽

按漢志河內郡有山陽縣

周陽索隱云縣名屬上郡 按水經涑水又西過周陽
邑南鄆元以爲田勝封國也上郡有陽周無周陽

建元以來侯者年表

符離索隱云縣名屬沛郡 漢表作邳離邳離在朱虛
小司馬以沛之符離當之其說雖本于水經注要不
如漢表之足據

壯索隱云表杜東平

漢表作杜注云重平蓋東平之

譌

龍亢以校尉穆世樂擊南越死事子侯 南越傳作穆

樂無世字

漢書

穆當从手旁

成安索隱云表在郊志在陳留 郊當作邾字之譌也

漢志陳留潁川竝有成安縣潁川之成安蓋分邾縣
置卽延年封國也水經注汝水篇旣以潁川之成安
爲韓延年封邑而汝水篇又以陳留之成安爲延年
所封蓋攷之未審矣

將梁索隱云表志闕 按王子侯者表中山靖王子朝

平以元朔二年封將梁侯元鼎五年坐酎金國除此
楊僕以元鼎六年封蓋卽朝平故邑本中山地而改

隸涿郡也

下鄆 按水經注湍水東南流逕南鄆縣故城東史記所謂下鄆也漢武帝封左將黃同爲侯國

涉都索隱云表杜南陽 水經注云案郡國志筑陽縣有涉都鄉

秣 秣當作廐說文廐从广秣聲濟陰有廐縣

子宏代立 據漢表嗣日禪者子賞非宏也

商利侯王山 漢表作王山壽

爰賊 今帝復立子爲廣陵王 按廣陵王霸以厲王

子紹封杜元帝初元二年褚先生所稱今帝謂元帝

也而張蒼列傳稱孝元帝將相名臣年表續至成帝
鴻嘉元年歷書亦數至成帝建始四年較將相表是
先九年
少孫補綴前後亦非一時

建元已來王子侯者年表

宜春索隱云表志闕 按漢志汝南豫章皆有宜春縣
此長沙王子封邑當杜豫章水經注亦曰豫章之宜
春爲劉成國也

廣戚索隱云表志闕 按漢志沛郡有廣戚縣

盱台索隱云表志闕 按漢志臨淮有盱眙縣即盱台
睢陵 漢表作淮陵景十三王傳作淮陽漢志淮陵睢

陵二縣並屬臨淮郡水經注以睢陵爲江都易王子楚所封

劇索隱云表志闕 按漢志菑川國有劇縣

平望索隱云表志闕 按水經注平望亭杜平壽縣故

城西北八十里漢武帝封菑川懿王子劉賞爲侯國
益都索隱云表志皆闕 按青州益都縣曹魏所置疑
卽漢之侯國地

尉文索隱云表在南郡 按趙世家孝成王以尉文封
廉頗爲信平君是尉文爲趙地漢表云南郡恐誤

東城索隱云志屬九江 此侯趙敬肅王子恐非九江

之東城

房光 漢表作旁光古音房如勿

阿武索隱云表志皆闕 按漢志涿郡有阿武縣

蓋胥索隱云漢志杜太山表在魏郡 按泰山郡有蓋縣無蓋胥縣此侯爲河間獻王之子當從漢表屬魏郡不當屬泰山

平索隱云志屬河南 此侯爲濟北所分其封國未必在河南

皋狼索隱云表在臨淮 按漢志西河郡有皋狼縣代與西河接壤當是西河之皋狼也

千章索隱云表杜平原 按漢志西河郡有千章縣

有利索隱云表志闕 按水經注沫水篇云武陽溝水

東出倉山山上有故城卽古有利城矣漢武帝封城

陽共王子劉釘爲侯國

南城索隱云表志闕 按東海郡有南城縣卽南城也

後漢改屬泰山郡

廣陵常侯劉表 漢表常作屍晉灼音斯索隱本亦是

虎字

千鍾侯劉搖 漢表作重侯擔師古音丁甘反子謂搖

古字作擔故譌爲擔漢志渤海郡有千童縣水經注

曰爲河間獻王子封國也

定敬侯劉越 索隱本敬作敷注中敷字皆敷之譌漢表作敷侯五字索隱本無之

柳索隱云表志闕 按漢志勃海郡有柳縣水經注曰爲齊孝王子陽封國也地理風俗記云高城縣東北五十里有柳亭見水經注洪水篇

樊輿索隱云表志闕 按漢志涿郡有樊輿縣

夫夷 按漢志零陵郡有夫夷縣水經注以爲長沙定王子義所封也

春陵索隱云志屬南陽 按劉買封邑本杜冷道縣春

陵鄉元帝時徙南陽蔡陽縣白水鄉表所書者徙封之邑也

雩殷 漢表作虜葭志作雩段此殷蓋段字之譌

父城索隱云志在遼西表杜東海 按漢表作文成故

小司馬以遼西之文成當之然此侯爲城陽頃王之子當從漢表杜東海必不遠至遼西也

涓索隱云表作涓杜東海按涓水杜南陽有涓陽縣疑表非也 按涓侯不疑乃城陽頃王之子其封國與東海相近故別屬東海不得遠引南陽之涓水爲證也

襄陵索隱云表杜鉅鹿志屬河東 漢表作襄隄小司

馬引河東之襄陵亦迂遠

漢興以來將相名臣年表

孝惠二年何夢 按蕭曹皆相國而何書夢參書卒陳

平灌嬰皆丞相而平書夢嬰書卒此後丞相無書夢者褚先生所續惟蔡義黃霸韋元成三人書夢餘皆書卒太僕滕公非將相而亦書卒

孝景元年置司徒官 漢初無司徒司空之官此必太

尉之譌表於三年已書置太尉官此重出又舛誤

四年御史大夫蚡 漢表蚡作介又是年封皇子徹爲

膠東王表失書蓋轉寫脫之

六年御史大夫陽陵侯岑邁 漢表不載

後二年御史大夫岑邁卒 按自孝景六年至此十有

一年中間有劉舍衛綰直不疑相繼爲御史大夫何以又有岑邁廁其間此班史所以疑而闕之

征和二年劉屈氂爲丞相封彭城侯 城字衍漢表彭

作澎

黃龍元年樂陵侯史子長爲大司馬車騎將軍 子長

史高字也表當書名而誤書字

河平三年太僕平安侯王章爲右將軍 此王舜之子

漢志千乘郡有平安侯國卽舜所封也恩澤侯表外
戚傳俱作安平誤